

平定兩金川方畧

三
十

平定兩金川方略

卷一

平定兩金川方略卷之八十

十一月丁卯。阿桂。色布騰巴爾珠爾奏言。臣等

於十月二十七日。子刻。派海蘭察。常青等。帶兵

八千餘名。由達木巴宗北山取道。前攻斯達克

拉。阿噶爾布。里碩藏噶爾三處。以壓別斯滿。其

北山一路。派富興。烏什。哈達等。帶兵三千餘名。

前往攻搶木拉斯底。普爾瑪。美美卡等處。其南

山一路。派成德等帶兵四千餘名。從上繞進。壓取阿喀木雅。此兩路官兵。均於二十九日子刻潛進。至_臣等中路內。復分兩路。派額森特等帶兵一千名。由資哩之北山根進攻。海祿納木扎等帶兵一千名。由資哩之南山下進攻。亦均於二十九日子刻起程。潛密遄進。_臣阿桂。色布騰巴爾珠爾。積福。福康。安福。珠里。帶兵分頭接應。

查資哩北山下。有橋一座。爲兵行往來要路。賊番築卡拒守。寅刻。額森特督兵進攻。賊番放鎗抵禦。將近橋卡。賊益盡力拒守。我兵奮勇衝撲。賊不能支。四散奔潰。官兵追殺過半。卽將橋梁奪佔。其北山下路。富興等趁額森特奪橋之際。帶兵取道上山。分佔木拉斯底。普爾瑪等處。而海祿亦帶兵由南山往攻阿喀木雅東溝之碉。

額森特既得橋座。卽帶兵前往合攻。而是時成德繞從南山而下。亦壓至阿喀木雅東溝。三路官兵會合奮攻。該處碉座本屬堅大。又在山崖之上。極爲陡險。賊番拒守甚力。官兵不顧鎗石。進撲數次。賊於碉內鎗石交下。攻至亥刻。賊見勢難抵禦。乘夜出碉逃竄。官兵追趕下坡。鎗箭齊發。殲斃頗多。是日富興烏什哈達等帶兵上

至普爾瑪地方。督率侍衛將弁等。分佔美美卡
東瑪色爾渠等處。均經攻克。亦有殺獲。其海蘭
察等北山之兵。於二十九日申酉間。分爲三路
進攻。將斯達兄拉阿噶爾布里碩藏噶爾山梁。
同時攻克。佔據。而色布色爾之賊。見勢已孤。望
風驚潰。該處係在別斯滿之巔下。壓極爲得勢。
據報現在迅速籌辦。是夜南山額森特海祿等

隊內官兵。因鏖戰一日夜。暫令歇息。至三十日。

五更。進攻阿喀木雅山上大礮。官兵四面奮撲。

攀附而上。賊番駭竄。旋將山梁一帶礮卡。全行。

攻克。額森特等乘勝直取木闌壩。賊俱奔潰。隨。

卽督兵直攻。鄂克什官寨。賊見我兵勇銳異常。

一面於鎗迎敵。一面四散竄逃。殺戮甚多。拿獲。

活口二名。派兵將官寨據住。其各處奔竄賊番。

均遁入路頂宗聚守。臣等統率官兵乘此銳氣。

現在督令力攻以期卽克。臣等查此一路內如

阿喀木雅美美卡木闌壩形勢均爲絕險上年

攻打至五六月之久始行克取今此數處均有

賊番據守且已早爲預備乃於兩日之間盡行

克復此皆仰荷

皇上調撥滿洲勁旅暨各省精兵。

指示機宜。分頭並舉。俾賊酋左支右絀。首尾不顧。是以迅速摧破。此次各隊官兵。不獨滿兵奮勇絕倫。卽新到綠營官兵。均倍常出力。而舊兵亦奮勉爭先。臣等仰仗威福。自可乘勝直入。

同日明亮奏言。竊臣等謹遵

欽定吉期。西南兩路會同進剿。茲於二十五日。富德

奎林等所帶官兵。均從墨壘溝先後進發。至二十九日子刻。三寶所帶兵練亦齊抵沿河山下。相次前進。賊番施放鎗石不絕。臣在河北思紐所帶三路官兵亦令分頭並進攻取得里並山梁礪卡。賊番漸聚漸多。皆於兩面山梁險要處竭力死守。臣候至夜半。督率各兵分路潛往。猝然攀躡而上。乘其倉皇失據時。即將得里礪寨。

全行攻奪。正當督兵前進。而富德已攻得喇嘛
寺。日寨繞出得里之前。兩軍同時會合。勇氣倍
加。一路追殺。直至策爾丹色木。該處賊番。旋即
潰竄。其得里最高山頂賊砦。當日亦爲奎林攻
獲。至三寶等往攻得布甲之兵。原令牽綴爲河
北聲援。使賊人不能隔河放鎗。維時望見河北
克捷。無不覓路而登。漸至山半。勢亦不能再退。

當卽併力直前。人自爲戰。臣又添派舒景安帶

兵合力。賊番不能抵禦。盡棄碉卡而逃。統計河

南之得布甲。河北之喇嘛寺得里兩面山梁。日

寨策爾丹色木。盡行攻克。現當賊番潰敗之餘。

臣飛調夫糧接濟。並將所得要隘。派兵防範鼓

勵官兵。連夜前行。卽期掃穴奏入。

上諭內閣曰。阿桂明亮等奏西南兩路官兵均於十

月二十七八九等日。分路進剿。西路已盡克資哩
南北山梁。美美卡木。闌壩。並收復鄂克什官寨。南
路已克得布甲喇嘛寺。得里兩面山梁。及日寨策
爾丹色木。現俱鼓勵官兵。乘勝前進等語。收復小
金川。其勢較易。朕已久經料及。但此次甫經進兵。
數日之間。卽連得賊酋險要碉卡。殺賊甚衆。覽奏
深爲嘉悅。將軍參贊。調度董率有方。西路領隊大

臣額森特於攻勦資哩木蘭壩時較衆倍加奮勉。南路之領隊大臣奎林攻克得里賊碉亦甚勇銳。均著交部議敘。其在事出力之將領弁兵並著阿桂。明亮等查明咨部。一併議敘。其中有勇勉超羣者。查確專摺奏聞。候朕量加優獎。

上又諭軍機大臣曰。據阿桂。明亮等奏到。兩路同時進勦。連克賊酋碉卡。阿桂已抵路頂宗。明亮已過

策爾丹色木。距美諾均不遠。自可卽望捷音。此次

進兵以來兩日之間。連得賊會險要碉卡。如摧枯

拉朽。固由添派滿洲勁旅。勇往直前。綠營兵亦皆

效法知勉。是以所向克捷。但究覺得之太易。恐賊

酋暗藏詭計。或讓我兵直進。在後抄截。不可不防。

在官兵現俱乘勝而進。自當鼓其銳氣。使益奮勇

成功。所謂兵貴先聲。亦董勸將上之道。至帶兵之

將軍叅贊領隊等。遇事當倍加慎重。不可因連次得勝。稍存得意自滿之心。滿招損。謙受益。古訓昭垂。將軍等各宜深體此意。凡進兵後路。加意嚴防。慎之又慎。方爲妥善。就現在情形而論。官兵乘勝深入。實有席捲之勢。其於克復美諾。布朗。郭宗等處。自非難事。卽尅日集勦。亦不足言喜。惟能將莎羅奔。岡達克丹。巴沃。雜爾。及七圖安。都爾等。一併